السيد محمد صابر



الطبعة الأولى ٢٠١٧

بطاقة الكتاب

عنوان المؤلّف: همسات

المؤلّف : السيد محمد صابر

التصنيف : أشعار بالعامية المصرية

رقم الإيداع : 19714 - 2017

عدد الصفحات : 102 صفحة

تصميم الغلاف والتنسيق: دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجاري: 58365

بطاقة ضريبية: 35-01-572-0031-5-2015 رقم التسجيل: 2017-7 544-662-202

E-mail: alnile waalforat@yahoo.com

النيل والفرات :twitter

youtube: alnile waalforat@yahoo.com

facebook: alnile wa alforat

ماتف: 01011256943 - 01116202218 - 01202541192 ماتف

الشرقية - العاشر من رمضان - مجاورة ١٣ - عقار ٢٠٠٤ - الدور الثاني - أمام سنتر ١٣



كلمة الناشر

السيد صابر ..

هو شاعر مكافح ومناضل ، استطاع فى فترة وجيزة أن يبنى صرحا للثقافة والإبداع ليكون منارة لمريديه ، أحب الشعر فأحبّه الشعر فكتب أشعاره راصدا للمشهد الثقافى والسياسى فى آن ليخرج علينا بموقف ورؤية – ربما تكون أحادية – ولكنها اختزلت المشهد العام كله فى أبيات شعرية جميلة ودفقات شعورية خرجت من القلب الى القلب مباشرة وهذا كتابه الثالث يقدمه للمكتبة العربية ليضاف إلى تاريخه المُشرِّف من الفكر والثقافة

الشاعر والناقد ناجى عبد المنعم رئيس مجلس إدارة دار النيل والفرات للنشر والتوزيع

ديوان همسات

من الهمسات تكتمل سيمفونيات الحب الناقصة ومن الحروف تتكون الكلمات و تنتقي المعاني لتهمس. تارة بلسان الحب وتارة بلسان العتاب وتارة اخري في الحديث مع النفس هكذا وفق الشاعر في اختيار اسم ديوانه الثالث الذي يعتبر طلقات هادئة ورسائل قصيرة متنوعة يرسلها الي معشوقته المتمثلة احيانا في ثوب الوطن واحيانا اخري في ثوب الحبيبة واليكم نبذة عن حياة الشاعر لتكتمل الصورة

ولد السيد محمد صابر في الوايلي القاهرة عام 1968 وترك القاهرة عام 1979 ثم انتقل الي قريته." اوليلة ' مركز ميت غمر دقهلية حتى الانتهاء من المرحلة الثانوية. ثم التحق بالحياة العسكرية والتي استمرت لسبع وعشرين عاما بدأ الكتابة في سن مبكرة من المرحلة الاعدادية متاثرا بالاغاني العاطفية وقد تربي على اغاني عبد الحليم حافظ وام كلثوم وعبد الوهاب وكل عمالقة هذا الزمن الجميل وقد تاثر الشاعر في اسلوبه وافكاره ومعظم موضوعاته بالحياة العسكرية التي غرست في نفسه الالتزام والانتماء وحب الوطن فكانت كتاباته عن الوطن تعطي الاجيال درسا في حب الوطن وايثار المصلحة العامة ويظهر هذا جليا في ديوان الشاعر وفي تناول قصائده الوطنية

وقد تميزت قصائده بالميل الي الواقعية واستخدام مباشر للالفاظ مع بعض الصور الجمالية البسيطة مما يجعل كلماته تصل الي المتلقى بسهولة ويسر تناول الديوان عدة موضوعات مختلفة تتسم

بالموضوعية والبعد عن الشطحات والتطرف في التفكير واختار الفاظه ايضا بعناية بعامية راقية بعيدة عن الالفاظ المبتذلة لذك فنحن نستطيع القول بان قصائده تميزت بدقة المعني ووضوح الافكار وروعة الصور

ويعد هذا الديوان هو الديوان الثالث للشاعر فكان الديوان الاول. رسالة شهيد بالعامية المصرية

والديوان الثاني نقاط لبعض حروف باللغة العربية الفصحي ويميل الشاعر ايضا الي الكتابة المسرحية فقد الف مسرحية بالعامية المصرية بعنوان " يا آهل المغنى. وجعنوا دماغنا " وكلها قضايا تخدم المجتمع وتوجه انظار الشباب الى الاعتدال في التفكير في هذا الزمن الذي اصبح يضج بالافكار الهدامة وتنهكه الفتنة وتدب بين اوصاله فرقة وافكار لم نعهدها من قبل ولم يكتف الشاعر بالكتابة الابداعية لتوجيه الشباب بل اتجه ايضا لتكوين جمعية ثقافية تهتم بالابداع والمبدعين وتخدم جميع المواهب في جميع الاعمار والفئات فتعاون معه بعض الاصدقاء الشعراء لتكوين الجمعية وبالفعل تم اشهارها على ارض الواقع لتكون منارة للثقافة في محافظة الشرقية وبالاخص في ديرب نجم التي يقيم بها الشاعر مقدما اكبر خدمة ادبية وثقافية للشباب بعيداعن مؤسسات الدولة ومن خلال كل هذه التجارب التي مر بها الشاعر كان ميلاد ديوانه همسات وهو يعكس تجربة الشاعر وحياته العسكرية ورؤيته للمعنى الحقيقي لحب الوطن والانتماء ورغم رومانسية الالفاظ فان الشاعر ينتمي الى المدرسة الواقعية ولم يستخدم الرمز الا بنسبة قليلة جدا في قصائده وسوف نقرأ معا. بعض ابيات وسطور من قصائد الشاعر فتراه يفتتح الديوان بقصيدة فيقول:

> أنا أصون ترابك يا وطن لو حتى أموت



وبأعلى صوت أقول يا وطنى انهم بكل فكر عندهم بكل ذرة في جسمهم أنهم بحد خونة وكدابين كل اللي داسوا فوق ترابك وأغتالوا بإيديهم شبابك ودمروا وفجروا وصوروا للخلق صورة أن الضلام خيم عليك والدم حنة فوق أيديك وأن الصلاح دا شئ معاهم بأی فکر وأی دین هنا تتجلى روح التضحية والاستعداد لبذل الروح فداء للوطن مؤكدا حبه واعتزازه بالوطن . ومستنكرا لاحداث الارهاب والفتنة والوقيعة وتراه يقول ايضا في رثاء الشباب تلك الفترة التي تتميز بالقوة والنشاط والعمل " زمان العمر كان واقف بيتباهي على الصخرة في وش الموج ورجلين الفتى تشيله ويلقاها

وقول عليهم وصفهم

من الفرحة تنط لفوق زمان كان شعرى جميل وأسمر وادوس ع الأرض وأتمخطر وناس من ظهرى بتقولى مسيرك يابنى

في عتاب المحبوبة انت ايه إنت إيه؟

عايز أفهم إنت ايه ؟

هو عقلك عقل بشر ولا قلبك قلب بشر ولا انت جنس تاتى جنس مخلوق من حجر جنس مغرور أو أناتى

يبقى جارح ...

يبقى ظالم

إلى أخر القصيدة

وتنقل الشاعر في موضوعاته بين الوطن والحبيبة وكانهما في شخص واحد. ومع تعدد الموضوعات تعددت همسات. الشاعر وتنو عت اساليبه. بين الحب والشوق واللوم والعتاب والتضحية وساترككم مع ديوان الشاعر الذي تناولت نبذة عنه وعن صاحبه ليس . بعين الناقد . وانما بعين المتلقي العاشق للحرف والذي يستطيع ان يتذوق المعني ويري الذوق العام للديوان. ابحرت معكم. في احساس وكلمات وهمسات الشاعر السيد محمد صابر وارجوا ان اكون قد انجزت واوجزت ووضعت نبذة او رؤية سريعة. لديوانه الجديد همسات والذي اسعد بتقديمه لكم وانا علي علم بان الشعر الناقد الحقيقي له. هو المتلقي وهو من يستطيع ان يحكم علي جودة او رداءة النص والكلمات الجميلة سرعان ما تطرق الاذان بدون استئذان ...

كانت في صحبتكم

سميرة محمودي

عضو اتحاد كتاب مصر ومستشار ثقافي جمعية ابداع الثقافية ورئيس فريق بكرة احلي لرعاية المواهب وعضو جمعية التقويم والقياس بجامعة الزقازيق

بيمر الليل عليا بعاتب القمر بيرد يا ناس عليا يا عاشق السهر إنت سهران عشانى بتأن م الشوق تعانى وحبيبك نامت جفونه دا قلبه من حجر

بعشق جنونك والقلب دايب من زمن ونظرة عيونك هى الأمل وقت المحن بحلم بيوم اللقا والحلم حالة م الشجن لما نلاقى فى الخيال ويكون محال إن الفرق يعرف طريق عشنا إن القدر فى يوم يحطم حلمنا إنت وأنا

ومن تانى بنتلاقى بقلوب عاشقة مشتاقة نبوح بالسر لبعضينا نغنى كل أغانينا نقول يابدر من بدرى نور سكة الأحباب وياغايب قواام ارجع ضنانا الشوق كفاية غياب وياشمس الأمل طلي بنورك ودفى لمتنا عشان ما تحلى سهرتنا ونتلاقى على الفرحة على الهمسة على الفكرة نرسم حلمنا لبكره فرحة تبدد الغرية وننسى بيها اى عذاب

أنا أصون ترابك يا وطن لو حتى أموت وقول عليهم وصفهم وبأعلى صوت أاقول يا وطنى انهم بكل فكر عندهم بكل ذرة في جسمهم أنهم بجد خونة وكدابين كل اللى داسوا فوق ترابك وأغتالوا بإيديهم شبابك ودمروا وفجروا وصوروا للخلق صورة أن الضلام خيم عليك والدم حنة فوق أيديك وأن الصلاح دا شئ معاهم بأی فکر وأی دین دو ل کدابین

قلبك أنت بس يعنى فى حبه صادق مستحيل قلبى دا اللى كان بيحلم بالغرام وده شئ جميل شاف عنيك سلم لقلبك كل شئ

كان مناه انك تميل عاش يدورع الحنان في كل حتة والأمان اللى وعدته عندك انت نسيت عيوني وقتها طعم الدموع وودعت سهد الليل بدون رجوع وقالت أنك أنك أنت حلم عمری وأنك أنت أيوه أنت كل أملي ماكنتش تعرف إيه مخبى جوه قلبك وان الخيانة وبيع حبيبك شئ في دمك كرهت يومها حتى اسمك كرهت صورتك كرهت قلبى اللى نخدع بالمستحيل

قالوا الكلام اصله تسالى والكل حاله من حالى هی عین وصابیتنا یا ناس والصبر تاه عن موالى لوكنت يوم اتمنى سكوت أوحتى النور ف عينيا يموت وودانى تصم كمان وكمان او حتى أعيش محبوس في تابوت ولا أنى اشوف في زمانا رجال يتباعوا التورة بالسحتوت ودموعهم كده ع الخد تقول الست بتضرب بالشلوت والشقة كمان من حق جانبها والعفش يراجع كده مظبوط لو ينقص حتة ياناس تبديد والسجن يكون جزاء مشروط وترجع تاني بعد طلاق شحات ويتشحت بالظعبوط

بيع وأجرح فى قلبى كمان أنا راضى العذاب منك ومهما يلاقى قلبى هوان وأنا فى سنى اللى مش سنك هاعيش أحلم وفى الكتمان يئن القلب ويعانى ويتمنى لقلبك حب ويسعد كل أوقاتك وتكون فى عيونك الفرحة فرحة تملى فى حياتك

وألوم ليه على قلبى وحبك نبضه وحياته ومهما ألاقى من هجرك وتزيد ألامه وأهاته هيفضل ليك حبيبى أمين وتنادى بأسمك دقاته

وحياة عيونى اللى محى
منها النظر كل الدموع
لاف يوم هاحسبك ياقلبى
ع اللى جرى وع اللى كان
على كل لحظة عشقتها
وكل دقة زادت بذكرك اسمها
وكل ليلة سهرتها
من النهارده
الظلم ليك الغدر بيك
الألم ويا الجراح
من النهارده لازم ياقلبى أوجعك
لازم احاسبك ع اللى راح

وتوعدنی واستنی وامنی الروح برؤیاکم واقول للقلب اتهنی حبیبی جبی بیهواکم وفات بکره ولا کلمة ولا فکرة ولا لمحة ولا ذکری وکأن حبی کان غلطة قلبی غلطها ویاکم

وفي عيوني لاقيت صورة قديمة في ذكري محفورة لشاب وسيم بيتعايق بلبس شهامة وبطولة وزي الجيش وكأنه خلافه ف الدنيا و غیر مفیش وفاجئة لاقتها قدامي صورتى في مراية مكسورة ولاقيت شعر الاسود شاب ونظرى ضعيف يادوب شايف شعاع جالى من خرم الباب وانا وحدى في سط ظلام وعيون دبلت ماعارفة تنام وضهرى كمان صبح محنى وأنا عايش باعد ايام

زمان كان الزمان أطيب رحيم بالكل وقريب ولما كنا بنهادى بأبسط شئ بشئ عادى كانت قلوبنا بالفرحة تطير م الفرحة وتنادى وتتجمع معانا قلوب من الصحبة وبالأخلاص تكون الفرحة في حياتنا بإخلاصنا هي أساس

زمااااااااااان كنت شئ تانى مغرور متباهى وأنانى ومر العمر كدا ف لحظة وجانى الشيب وورانى لاقيت الضهر صبح محنى وتجعيدى فى وشى فضحانى وأقول القلب لسة شباب تقوم أعضائى مألمنى برعشة فى إيدى تفوقنى وأحس بركبى وجعانى

راح الشباب ====== زمان العمر كان واقف بيتباهى على الصخرة فى وش الموج ورجلين الفتى تشيله ويلقاها من الفرحة تنط لفوق

زمان کان شعری جميل وأسمر وادوس ع الأرض وأتمخطر وناس من ظهری بتقولی مسيرك يابني راح تكبر واتباهى ساعتها لو تقدر وطول الليل هيهزمنى وكتر الشوق هيحنيني لا هقدر فيه في يوم اسهر ولا الايام تواسيني ساعتها الصخرة هتخوني ورجليا كمان واكتر والموجة تاخدني وياها لبحر غريق يغطيني ويمحى كل شئ فيا وتضيع أيامي وسنيني وأنا بكبر

بشوف الوقت فى الساعة على معادك فاضلى كتير ثوانى ماشية بالراحة وغاب عقلى من التفكير لا انا عارف راح استحمل ولا قادر على التغيير

قعدت أرسم ياناس صورة لعيون حبيبى وأنا سارح لاقيت قلبى بينزف دم اتارى الرمش ياناس جارح ونن العين خطف عقلى بقيت تايه ولا عارف انا فى ليل دا ولا نهار وليه بكره بقى امبارح

ولما قالولی جای بکره
نسیت ألامی وأوجاعی
وقالوا نجیب طبیب یکشف
صرخت وقولت مفیش داعی
دوایا یاناس فی نظرة عین
حبیبی خلاص جای بکره
یداوینی ینسینی یخلینی
قوام أجری لأحضانه
ولو شوفته بعینی یا ناس
اشیل جبلین علی دراعی

يا قلب عايش عشان تحب جرب تعیش زی القلوب الشعر الشباب والفكر غاب وانت كمان عايز تدوب ؟ منين اجيبلك عمر تاني ولا أجيب من تاني صبر وكمان حبيبك مش راضى بيك وكل يوم يتقل عليك ولجل حبك ليه لاقيته بيعك انت ومش شريك واخد غرامك ليه تسالي واكمنه عندك في القلب غالى صابر تمالي وراضي العذاب وفاكر أنك لسة شباب ياقلب عاشق فكر تكون ويلاش تعافر بطل جنون العمر ولا وراح خلاص لاحبيب هيخلص ولا يوم يخون

ولما تقول أنا مسافر هاغيب عنك يادوب إسبوع وحتى سلامي تحرمني وعينى بتناديك بدموع والاقى قلبى تاه منى وبعدك عنى يجنني القول يمكن ياناس فاتنى وراح علشان م يحرمني أعيش لحظة سعادة معاه وقضي الليل في تنهيدة وأنة ولوعة كدا جديدة وأقول ياقلبي لو يرجع ولو لحظة ياناس يسمع ندايا وحلمي أكون وياه لا كان سافر ولا يهجر ولا على قلبي في يوم يغدر وأعيش باللوعة بستناه

وبقول أنك ساكن قلبى
وبقول أنك مالك روحى
وبقول أنك حبيب عمرى
وأن هواك دوا جروحى
لاقيت غرامى رخصنى
وهان عليك كمان نوحى
ولما تشوفنى تتبسم
قوام اتوهم وأقول روحى
عيونه شافتنى فرحته
أتارى بسمتك كدبة
بتسخر منى ومن نوحى
بتسخر منى ومن نوحى
وهان ألمى فى عنادك
وشوق قلبى فى بعادك
ولاقيت نفسى مع نفسى

لما تروح وتغيب عن عيني عقلى يتوه والفكر يجيني أبقى كأنى ناقصني كتير واسرح وأغرق في التفكير وأسأل نفسى ودمع عيوني هم صحيح ياناس نسيوني ولما تهل ياروحي عليا القى الدنيا بتضحك ليا واشوف في عيونك لمحة خير بتقولي في قلبك حب كبير بس بترجع تاني تغيب وارجع تانى أفكر فيك وأسأل كل الدنيا عليك مايوصلنيش يا حبيبي إجابة ارجع وأغرق في التفكير وأسأل نفسى ودمع عيونى هم صحيح ياناس نسيوني

أنا عايش ومش عايش معاك القلب ويا الروح وعقلى كمان معاك انت حارس قلبك منين ما تروح واهى أيام وبتعدى وأملى يوم تكون عندى أعود تانى لأحضانك وأبيع الدنيا علشانك ومهما اقاسى منها جروح عشان انت ياروح قلبى حبيب قلبى وحبيب الروح

بحب عنیك ونظرتهم وتوهة ساكنة جواهم بحور واسعة بدون مرسی وعیونی حایرة انا معاهم بحب اللحظة أكون فیها بحار هایم أنا وعاشق ومهما أعانی من هجرك ومن صدك ومن عندك بیكون أملی انا ألقاهم وتكون نظرة تتداوینی و وبوجودك یكون فرحی وأنسی روحی ولا أنساه

وانا بحلم

وانا بحلم بشوف عينك بتنده لى تقول فينك ااقوم اجرى انا وقلبي لدفا حضنك وحنان ايدك انا عاشق جمال قدك وحمرة ورد فوق خدك وهمسة شوق تقولهالي فلمحة عين اكون عندك يا احلى شئ وانا ف قربك بعيش عمر فوق عمرى ولاقي نفسى وانا راضي مسلم روحی کدا وامری ولما تغيبي عن عيني بتاخدى القلب وياكى وروحى تبقى مشتاقة للحظة فيها القاكي وانا بحلم

بحبك حب توهنى عن الدنيا وتهجرنى وتظلمنى وأنا راضى بقيت هايم كده عايش على الذكرى وأنا قلبى كده ف حكمه بميت قاضى طلب منى اكون مخلص اكون عاشق وأصبر بردو على ظلمك ولو ترجع كده لحضنى الجرح واضمك وأنسى كل ألامى كده فى بعدك وأعيش حلمى اللى كااااان حلمك

كان حلم

=====

من يوم ما قابلتك وانا عارف إنك بياع و غرامك كان ليا فى الاصل خداع لو عايز تهجر روح واهجر وريح قلبى لو تسمح م الأوجاع

أنا عارف أنى لخيالك ولا مرة بزور وأن الحب اللي انا عيشته دا سراب مبدور لوعايز تجرح أوام أجرح وريح قلبي اللي ماشفشي ف حبك نور أنا كنت في حبك قال بحلم بسعادة تدوم وفضلت أتمنى وأتمنى ما اكون موهوم شربت المر في غرامك كاسات وكاسات ولا زارنى الفرح في غرامك حتى ولو يوم بتمنى الفرح لأيامك وأنا كلى حنين مأنت اللي انا توهت في غرامه ايام وسنين والقلب عشانك راح يصبر وأدعيلك في البعد يا غالي ماتبتش حزین

بين الشفايف همستك تسحر قلوب العاشقين وبين رموشك نظرتك سهم دوب مجروحين أنت القمر ... ساعة تمامه وأنت الأمل .. وأنت إبتسامه أنت الحياة ... كل الحياة والعمر كله بفرحه وألامه مشتاق أشوفك ياقمر لو حتى مرة دا البعد خلى دنيتى ... يا قلبي مرة ياللي القمر من نظرتك غااااااااااااب وأختفى والشمس بتشوف طلتك تنسى الدفا

حبیبی فی الهوی روحی عشانك عاشقة لجروحی ولو قولتلها فی یوم نوحی تخبی علیا وتداری

وقلبي لما بشكيله يدارى لوعته وويله واسمع منه نغم فرحه نغم صاحب موواويله ولما شكيت كده لعقلى شكيت قلبي كده وروحي قام العقل زعقلي وقال مجنون لا انا بقسى ولا بعند ومن نظرة عينيك انت هوايا ف قلبي يتجدد ومن همسة كدا بصوبتك تدوبني وسكوتك بيزيد أوجاعي ويجدد دانا عایش علی الذکری وفى دماغى مية فكرة اسامح ف الغرام قلبك واعيش العمر كدا جنبك بقلب سعيد

یاست الکل یا عمری هواکی فی قلبی مش أمری انا عاشق وکلی حنین وعایش مخبی ألامی بقالی سنین بقالی سنین القول بکره هنول سعدی بقربك وانت ضی العین واقبلك بکل أشواقی وفی عیونی یکون سکنك هواك بیجری فی عروقی وانفاسی من کدا فی صدرك بتقول للدنیا خلاص روقی

عشان قلبی اللی مستنی توافینی ف یوم علشان عیونی وجفونی تذوق النوم وتهدی کل اشواقی ونفرح عمرنا الباقی واحلامنا وأیامنا وطعم الحب فی کلامنا سعادة تدوم نعیش الحلم ونحقق ونبنی لبکره ونصدق

عشان خاطر عيون قلبك ونعيم الدنيا كدا ف قربك انا أضحى بحياتى وبكل شئ واكون جنبك أعيش بالحب فى رحابك درويش هايم بأعتابك أغنى لحن أيامنا وتحلى معانا احلامنا بأحضانك يكون سكنى ونتهنى انا وانت

وجانا الليل
اعود تانى للوحدة
وللافكار
ونفس الحلم ينادينى
أعيش أحلم بشمس
نهار
بأحلى عيون بتسحرنى
بخلينى القول أشعار
وفى عينيك اتوه واسرح
وأقول يمكن توافينى
واروى روحى من شهدك
ويحينى جمال قدك
واقطف ورد من خدك

لما تغیب شمسك یاروحی م النهار بیكون دمار تعالی جدد عمری یوم دا البعد نار مشتاق الیك وحیاة عینك قلبی بیحلم بالأمان ما بین ایدك

یا احلی حلم فی دنیتی قلبی معاك حالف یدوب فی احلی حضن ویسكنك جوه الفؤاد وحدك یادوب ویعیش معاك وف هواك كل السعادة والهنا وانت هنا ردد معایا أهین وأه الشوق كوانا والفراق ضیع سنین

غريبة الدنيا ----غريبة الدنيا يا أخوانا بتكشف كل يوم أنواع فى ناس تبنى وتعلى وناس تانية عايشة خداع ناس بالوهم تعاشركم وتقول شارى ويكون بياع يكون أخلاصها مخلوط زيف وتعيش الحلم ويانا وتوهمنا بفعل الخير وفى الاخر تبان تظهر

نوع م الناس بجد خطير

مشتاق وقلبی باختصار طایر عشانك فی السما قاید مكانه فی صدری نار بتحرق ضلوعی انما حضنك لقلبی احلی دار ضمینی لیك یا انا

كان الوصال حلمي انا من كاااااااااااااااام سنة كانت عيونك زى النجوم بتهدى اللي تايه في الخلا بتوصله لبر الامان عمرى مكنت في يوم اطول بس الوصال كان قربك ياروحى وجنتك شئ م المحال الله عليك يا ابو قلبك طيب حنيت لقلبي ويقيت قريب قرب كمان خلى الزمان يحكى الحكاية يقول ياناس نال في الهوى كل المني وصل خلاص بر الامان

انا عند بابك با ندهك يمكن تحن يمكن ترق يمكن عرق يمكن عيونك والجفون بالشوق تقول وبكل صدق ايوه ياروحي بعشقك ايوه هواك في القلب داب



هاقول بحبك وأملى بيها الكون بحاله هى كلمة بس كلمة يعيش معاها القلب دايب فى خياله بلاقى قلبى جوه صدرى يطير يرفرف زى طير انت غير انت غير كل الحبايب انت حلم لقلب دايب وف غرامك ومن كلامك أحلى غنوة بتقول بحبك

قلبی یحضن ایوه قلبك ومن حنانه یزید فی حبك انت حلم للیالی اه یاغالی اه یاروحی لو كنت جنبك نفسی اعیش حلمی حقیقة واشوف عیونك البریئة ومن شفایفك اروی عطشی ونادی تانی وااقول بحبك

یاللی عینی عاشقة صورتك یاللی كل حیاتی سیرتك انت عارف قلبی عاشق كل همسة كل همسة كل لمسة كل موجة تروح لشطك كل لیلة بتكون فی حلمی نور ینور كل عمری عطر بیعطر حیاتی عطر بیعطر حیاتی بسمة حلوة بتنادینی یا نن عینی یاللی عینی عاشقة صورتك

مش عشان القلب حبك والعقل حلمه يبقى جنبك والروح كمان اسرها حسنك تبقى مالك كل أمرى لا يا عمرى أيوه بعشق جمال سمارك ونفسى أخطر يوم فى بالك أعيش فى لحظة من خيالك وأنت عارف مر صبرى دا انت عمرى ياللى فاكر إن عندك

وأنت جنبى جنب قلبى بحس انى بحس انى روحى طايرة ف السما إزاى أدارى والا أخبى هواك ياروحى وشوقى ليك إنما عندك أنت و هجرك أنت جرحك أنت و غيرونى و غيرونى و عودونى أكون أنا

أسهل كلام عندك انت الملام بتتهمنى إنى بعتك ياااااا سلام ... نسيت عاميلك نسيت كلامك نسيت ألامى ونار غرامك

نسيت ياحبي جرح قلبى وغدر قلبك نسيت رجايا يوم وداعك لحظة سلامك ... الله يسامحك بتقولى تانى هترجعيلى وإنى هندم ع اللي كان دا کان زمان انت بخداعك علمت قلبي ازاى يبيع كل طعنة من ايديك في قلب قلبي علمت قلبى يبيع عودت قلبي الألام قلبى اللى كان معاك وديع راجع تقولى هترجعيلى ضامن رجوعي يااااا سلام اسهل ما عندك رغم هجرك رغم عندك الملام

شقع بقع مين اللي قال إن الخيال قرر يتوب من ذلته مين اللي قال انه هيسكن في الحيطان إنه هيرضي يكون جبان أو يوم يتوه عن سكته الضل لما يتوجد

بیکون وراه نور کونه ویکون کیان من رسمته تعرف تقول فارس همام نازل بسيفه على الميدان حالف يرجع اللي كان راسم بعزمه سكته اصل الخيال لازم يكون بالفكر راسم خطوته الضل لما بيتوجد بیکون وراه نور کونه لو كان جبان وناوى يسكن الحيطان ويلزق كده جنب الرصيف ده پېقې اپه ؟ غير ضل خايف لايوم يحس ببرد شتا ولايوم يحس بحر صيف ولا مرة يحلم بالربيع ولاحتى يعرف الخريف ضل مات مات قبل الميلاد ده شئ سخيف

بالخيال ...
نقدر نسافر للقمر
نقدر نسافر للقمر
ونطوى سكة طويلة للسفر
بيكون خيال
مالك بإيده حلمنا
بيكون خيال
ناسج خيوطه بعزمنا
لوكان محال نقدر نغير كلنا
وبجهدنا

نقدر نحقق حلمنا أما الخيال إللي أتهزم وبيمحى كل تاريخ ومجد وبينكر وجود نيل أوهرم وبيقول كلام مجرد كلام بيسبط بكلامه الهمم بيقول خلاص مات الأمل ده مش خيال ده طعون بيسرى في البدن بيشل إيدنا وكمان يدوس على كل زهرة مفتحة بدون كسوف وبدون خجل بيطفى شمس منورة في صباح جديد بيحكى الحكاية للجميع راسم ليكره بالسواد صورة قبيحة فاشل بيعلن الغباء ويالغباء عامل فضيحة طب ایه العمل ؟ مين اللى قال
إن الخيال خيال مأتة
وإن ضعفه صورة واضحة للجميع
الخيال ده خيال شيطان
خسيس جبان
بايع تراب اجداده بخس
زى اى حيوان وضيع
برغم صرخة الشهيد
تحت التراب
والدم اللى عطر ارضها
مصمم يبيع
خيال مأته اى نعم
عايش مسلم للعدو
ودا شئ فظيع

بلوم نفسى و ظروفى
وبأعلن للجميع خوفى
وراضى بالخيال قدرى
وأدارى فشلى بكسوفى
اناغارق فى بحرخيال
وعارف ان قربى محال
وبروى الصبرمن صبرى
اكون درويش اكون صوفى
هدارى فى الضلوع ألمى
ويكتب على السطور قلمى
حروف والحبرمن دمى
وكفاية تقرى وتشوفى

بعیش الحلم وانا صاحی وطیقك سر أفراحی برغم البعد و جراحی اناعاشق و هستنی عثبان حبك سكن قلبی و الملی یوم تكون جنبی و الملی یوم تكون جنبی بعیش الحلم و أتمنی عیون الناس بتظلمنی و كلام كتیربیالمنی و أنا صابر و أكمنی فی یوم قربك راح أتهنی

مابین أملی وبین شوقی وحب بیجری فی عروقی أناواقف و مستنی و كلی حنین بعادیك كان علی عینی ویشهد دمعتی فی عینی أناالعاشق أناالمغرم بقالی سنین لكنی زی أحبابك كتیرواقفین علی بابك لنظرة عین بنستنی سنین و اقفین انظرة عین بنستنی سنین و اقفین

غريب طبعك وأنا شايف ومش قلقان ولا خايف وكان أصلك عليك باين وأكدب عينى وأنا عارف كتير صدقت حلفاتك

وقلت ملاك ودمعي على الخدود يجرى وإنا وياك واقول انك كتير مظلوم ومن فعك يبان ظلمك بيان انك طوفان جارف بتبلع كل شىئ قبلك ويحلالك كتير الظلم ويبان الغدر ف ملامحك وهدم الحلم لكن عمرى ما اكون زيك اعيش غدار أبيع العشرة مع الكلمة وأولع نال ولما ألاقى نفسى خلاص فقدت العقل والاحساس أدور أحرق وأنا واعى لا يفضل اخضر ولا يابس

إنت إيه؟

عايز أفهم إنت إيه ؟ هو عقلك عقل بشر ولا قلبك قلب بشر ولا انت جنس تاني جنس مخلوق من حجر جنس مغرور أو أناني يبقى جارح ... يبقى ظالم يبقى طول العمر جانى ويجرى يبكى للخلايق ويشكي ظلم الناس إليه نفس افهم إنت إيه؟ كل شئ في الدنبا ليك والقلوب بتخاف عليك والعيون والعقول والإيدين والرجول

شئ فظيع انت فاكرة الدنيا انت ولا فاكرة عثىانك انت إتخلق كل البشر ولا الشمس يوم هترفض الطلوع والقمر من غيرك انت مش هايقيل السطوع ولا البحر يوم هينشف لو زعلتي أو غضبتي أو نعيش الفقر بعدك أو نموت م الجوع في بعدك نفسى أفهم إنت إيه؟ كتير شرحت الأمر ليك قولت إنى بخاف عليك قولت إنى كتير بعاني من معانى للكلام قولت إنى مهما كنت حبى ليك دا إحترام مهما كان الأمر صعب مش هيبقي في غرام مش هيبقي إلا جرح لو مافهمتيش الكلام

همسة دارى همومك يا قلم وأكتب فرح من يهمه ياقلم من يهمه ياقلم قلب إنجرح مين تهمه دمعتك أوحتى تهمه لوعتك حتى الحبيب شاف دمعتك قلبه أنشرح

شاعر مشاعره حروف بتقول كتير معنى ماشى بردد كلام وللكلام معنى يمكن ألاقى ف طريق قلوب تسمعنا تفهم معانى الكلام والمعنى يجمعنا وأن طال بيا الطريق وطالت الرحلة وعز فهم الكلام على إللى يسمعنا لابد أخر الطريق هنلاقى راحة البال ويطيب إللي بيجوعنا عجبي

یادمعة ساکنة العین مألمانی مصاحبة حرقة أأأه بین ضلوع صدری ومعاکوا جوه الراس فکرة ماسكانی ان عمری إنتهی وانی هموت بدری الخوف ده مش م الموت أو دنیا و خدانی دا حزن ع اللی غدر وفنیت معاه صبری عجبی

الليل يطول بالهم ومعاه القلوب صبرة ومعاه القلوب صبرة ودموعى فيها الدم والأه فى صدرى نار لا أنا عاشق ولا ليا فى الهوى خبرة لكنى شاعر بغزل من الكلام أشعار حرف جنب الحرف بيعملوا الكلمة تطلع بطعم المر ما الحلق كله مرار عجبى

یا بیاعین الدم وبتحکوا کتیر فی الدین کل حیاتکم غم موتی و عاملین عاییشین ظلم لابس حکم جهلة ومش فاهمین بکره یبان الحق ولقاتا یوم الدین

قوم یا أنا فتح عیونك وأنتبه یمكن كلامی یألمك عمرك ماكنت فی یوم أنا عمرك ماكانت خطوتك عارفة ملامح سكتك

من كام سنة عايش بتبنى جنتك فوق السحاب احلام عايشها كلها وسط الضباب ودي علتك وماكنت أنا أسمع كلامي هنصحك يمكن نصحتى تعلمك درويش وهايم في الطريق ماسك ربابة فاكر بأنه بالغنى نصير غلابة شايل هموم الخلق وضهرك انحنى ولما ذاد الحمل كل إللى شايل همهم صبحوا ديابة بعد ما ضهرك إنحنى

عصفور أنا العصفور فى زى النسر بتعليق عاجز أخطى السور وأبان سكران وأنا فايق رمة بالية أكلها الدود وأبان للجميع عاشق عايش فى توب الصدق وحواليا الكل بينافق

عينى عليك يا قلب عايش بحب كبير شايل هموم الخلق وشايب من التفكير باعوك فى يوم الاحبة وهدموا احلامك ونكروا كل المحبة وذادوا ألامك

ببكى على دنيتى
كل اللى فيها خسيس
ناكر سنين وقفتى
وغرامه فى التدليس
حتى الوليف والولد
والاهل والخلان
وجموع كتير صحبنى
أشجع ما فيها جبان

أنا أصلى حلفت أكون ومهما قاسيت هكون مصرى أحب ترابها وسماها ولا مرة لمصر هاخون أنا بالحب هابنيها وخليها فوق الراس عظيمة بكل ما فيها ماليها الود والأخلاص هدور وألف في الميادين وأقول بعشق تراب بلدى وأنا درويش في محرابها ولو قالوا أنا المجنون

أنا بيااااااااااااااااااع

أنا بياع ببيع قلبى
مين يشتريه بألامه
وجرحه بس مش ذنبى
أنا عثت العمر خدامه
سهران يأن فى صدرى
يقاسى مر أوهامه
ويطول الليل وأنا صاحى
أداوى جرح أيامه
وفى الأخر أنا الظالم
أنا ضيعت أحلامه

أنا الفاعل الاااااا أنا الفاعل في كل جملة بكتبها وأنا الناتج في كل حسبة بحسبها أنا الفاعل وشيلت الضمة فوق رأسي أنا الفاعل بعيش الأزمة بإحساسي وأنا الناتج من الضرب ومن القسمة وأنا على طول بوزع حب على ناسى مفيش مرة أكون مفعول ولا مرة عندى أنا الزمان ناسى عایش حیاتی جمع وطرح عادد سنيني بالوحدة ومهما أكون في وسط الناس يوماتي أحس بالوحدة اروح للتاريخ اشكى أيامي يقلب وييانفي الذكري ألاقي عمري عدى وفات وعمريهينتهي بكره اصرخ وأقول هينسوني يقولي كفاية تكون فكرة

مستحيل أكون بحبك لما اشطب حروف في اسمك لما ابيع نفسى وتاريخي للى يوم يا أمي سبك مستحيل مستحيل أكون بحبك لما أهدم حلم بكره لما اربى جيل بيكره لما اساعد كل فاشل مدعي يرسم بفكره الفاشى صورتك مستحيل انت أم ودول عيالك وكلهم عاشوا ف حماكي وف نسيمك وقت العصارى كان غناهم في هواكي بس الحكاية ازاى تكون أبن منهم يوم يخون ينسى أنك أم غالية ويدعى فيكى الظنون

يادمعة محبوسة جوه العين بتكوينى واهه عايشة جوه صدري وسنينى بصرخ مايطلع صوت وخايف لعمرى يفوت وفجأة يجينى الموت وأنا مسجون فى تكوينى فونا مسجون فى تكوينى أكون إنسان بدور وسط بركانى على أهدى مكان على أهدى مكان ونفس الدمعة والأهة بتوجعنى وتأذينى

وقالي يا أمي أنا مسافر أجازتي الجاية ألاقاكي بتوب الصحة والعافية وحبيبتى بهانة وياكى هاتلها ياأمى شبكتها وزيدى الزينة في ليلتها دا هي الحلم يا مايا وفرحي تمامه فرحتها وأنا ويهانة بالفستان بنستناك ترجع يا أبنى بسلامة كان ماشى وقالى ألف سلام وباس ايدى وخدودى قالوا النهارده أبنك مات رصاصة غدر وخيانة بتنهى الحلم والفرحة بأيد خسيسة وجباتة وأبنى راجع كدا في صندوق وعيش الحزن يا بهانة

یاللی انت بتصور حیاتی بالدمار وکنت عایش فی قلبی لکن بانکسار والإهانة هی اسلوب الحوار عندی لیك کلمة مرة لکن ها قولها لوأنت ثاتر أو مناضل ومش جبان صاحب كرامة ومش هترضی یا أبنی تانی بالهوان بلاش تردد کلام بیهدم وخلیك مصابر وبلاش تكابر دی مصر جنة بالأمان کل أولادها بیعشقوها بیحلموا الحلم الجمیل

بيعملوا للمستحيل بس الحكاية مش شعار هي الكرامة ليك لوحدك؟ ولا الكرامة كمان لبلدك ؟ الكرامة في احترامك واحترامي مش لفرد مش بتعرف في الاسامي الكرامة اسلوب حياه لابكلامك ولا بكلامي مش بطوية او بتهمة بالخيانة مش بولعة او بتفجير أو بقتل الكرامة إنى أحافظ على اللي ليا الكرامة أنى أعمل إللي عليا أنى أبنى وأزرع وأعمر مش أهتف وأكسر أوأدمر الكرامة إنى أكون وتكون معايا أن صوتك يبقى نغمة لصوت غنايا إن إيدك ويا إدها وإيد أخوها ترفعوا كرامتي راية الكرامة تحب بلدك وتنسى نفسك ولا أقولك خلاص كفاية

وقالي يا أمي أنا مسافر أجازتي الجاية ألاقاكي بتوب الصحة والعافية وحبيبتي بهانة وياكي هاتلها ياأمي شبكتها وزيدى الزينة في ليلتها دا هي الحلم يا مايا وفرحي تمامه فرحتها وأنا ويهانة بالفستان بنستناك ترجع يا أبنى بسلامة كان ماشى وقالى ألف سلام وباس ايدى وخدودى قالوا النهارده أبنك مات رصاصة غدر وخيانة بتنهى الحلم والفرحة بأيد خسيسة وجباتة وأبنى راجع كدا في صندوق وعيش الحزن يا بهانة

ولو ماتوا الوف والوف ورجعوا فى العلم ملفوف هتبقى عظيمة يا أمى ولا يشمت فيكى خروف بحق الصرخة من صوتك بحق الحرقة فى صدرك بحق ترابك الطاهر لهنضحى باروحنا ولا يهزمنا أبدا خوف

أنا دوری أكيد الجای بجهز نفسی وأستنی عثباتك كل دم رخيص وكل شهيد بيتمنی ترابك يرتوی بدماه ويلقی حبايبه فی الجنة

على اسم مصر التاريخ كتب التاريخ أساطير مصر بكل اللغات وشوية من التفكير بلد في كبوة جواد هتعدى هتعدى وهترجع ست البنات يا خونة ماهي بلدي ربى حميها وحارسها بتعدى من الكبوات وبتجدد كتاب التاريخ ويتصنع الصفحات طول ما جشها الباسل بيضم فريق ومشير لا تخاف من نباح الكلاب ولايهزها طعنة من اید خسیس اعتلی زويعة في نهار امشير عجبي

ياللي أنت فاكر ان بلدی راح تضیع أو راح تهون على اللي ضحى بعمره فيها ولا فاكر يوم يبيع حلم جندی کان حمیها لما سال الدم دافي ع التراب لأدي مصر مهما عانت مهما قاست مهما طالت دمعة عينيها مهما شافت من مرار من خيانة ومن قساوة هي دي شيم الكبار صبرها أحلى مافيها مصر حيرت التاريخ بالبسالة وبالشهامة بالأصالة وبالكرم ويفضل ربى اللي ماليها

مستحيل أكون بحبك لما اشطب حروف في اسمك لما ابيع نفسى وتاريخي للى يوم يا أمي سبك مستحيل مستحيل أكون بحبك لما أهدم حلم بكره لما اربى جيل بيكره لما اساعد كل فاشل مدعي يرسم بفكره الفاشى صورتك مستحيل انت أم ودول عيالك وكلهم عاشوا ف حماكي وف نسيمك وقت العصارى كان غناهم في هواكي بس الحكاية ازاى تكون أبن منهم يوم يخون ينسى أنك أم غالية ويدعى فيكى الظنون

يأم منديل بأوية والطرحة م التالى وعلى جبينك خط الزمان وعونى بتقولى فلاحة صرة الغدا في منديل وعطرها فلى وعطرها فلى بضم وتمالى وتمسك معاه الفاس بهمة وأصالة وتمسح عرقها بإيديها دى بنت رجالة وساعة متسمع أذان

_____ جربت اشوفك من جديد من غير زواق من غير رتوش لاقيتك غاوية الفراق وده شئ جديد مجربنهوش لاقيتك مشتاقة للالم للوجع ودموع عيون ملهاش رموش دور الضحية من زماااااااااااا ملعبتهوش طب يالا قومي وجربي ابكي بحرقة واندبي وكل ما اقولك قربى مشورنا قرب ينتهى اصرخي باعلى صوتك واحلفي

جربت أشوفك من جديد

ممشيناهوش قوليها انا حبى ليك غلطة حياتي اخلاصى ليك ذود اهاتى خنتني وبعتني جرحت قلبي وطعنتك خلتني احلف بالوفا عمرى اللي فات معثنتهوش خاين وطول عمرك خسيس كنت معايا وتفتكر هند ولميس واسماء كتير متبعترة وإنا مخلصة الغدر طول عمرى انا ما بعرفوش انا كنت بفتكرك كريم فارس رومنسى وفي الهوى عبد الحليم فاكر واحنا لوحدنا لما كنا في الهوى تيهيين سوا

غلطة لسانى وقتها في عز الهنا ده حتى لسة مافات سنة على زلة لساني وانا بنادى وقتها عيد الحليم حلم الرومانسية وقتها كان الهنا من نوع قديم في عز الشباب وكنت حاسة وقتها بالاغتراب اصلك بقالك كام سنة تايه غريب معايا اه بس الجسد واليوم لاقيتك الحبيب دفا المشاعر غرني خلاني انسى طلتك كل الملامح وقتها وخاصة وهي في عزها احساس عظيم خلاني انطق من الهنا عبد الحليم

أنا كنت فاكر أنى بنا ببنى فيكم الأمال لاقيتنى عاجز إنى ارسم دنيتى حتى فى الخيال لاقيتنى فاشل والدموع علامة واضحة للمحال كنت فاكر إن حبى ميراث حقيقى وراس مال كنت واهم فى حلم بكره وهمى اتقل من الجبال



إسم المبدع	عنوان الكتاب	٩
ناجى عبد المنعم	ترتيل البوستات الصباحية لأنواع الحب ج. 3	1
ناجى عبد المنعم	ترتيل البوستات الصباحية لأنواع الحب ج. 4	2
ناجى عبد المنعم	العفريتة الشقية	3
د. عبد الحليم هنداوى	المختصر المفيد في سيرة أهل بيت الحبيب	4
د. عبد الحليم هنداوى	فى حب الله وعشق الأوطان	5
د. عبد الحليم هنداوى	طمى لا زيد وعبر للأبد	6
عبد الله الشوربجي	أبو الطيب المصرى (ج. 1)	7
عبد الله الشوربجي	أبو الطيب المصرى (ج. 2)	8
عبد الله الشوربجي	أبو الطيب المصرى (ج. 3)	9
عبد الله الشوربجي	أبو الطيب المصرى (ج. 4)	10

عبد الله الشوربجي	أبو الطيب المصرى (ج. 5)	11
جيهان عبد الرؤوف علوان	أنين الروح	12
السيد صابر	همسات	13
رضا ابو الغيط	أشجار الخوف	14
رضا ابو الغيط	الحلم بيكبر	15
رضا ابو الغيط	أشكرك	16
رضا ابو الغيط	أكفان الخوف	17
رضا ابو الغيط	تباشير الصباح	18
سمير موسى	وتر البكا	19
سمير موسى	مدمن ضرب	20
علاء الدين على	بيعدوا أملاكى	21
أسماء فريد	مشاكسات إبداعية	22
د. يسرى عبد الغنى	عن التواصل الأدبى بين الشعوب	23
عبد المنعم شرف	حميسة	24

تهانى فؤاد	نبضات أنثى بلا وطن	25
أسماء فريد	أميرى	26
ناجى عبد المنعم	جدلية التحول بين التمرد والإنتماء	27
ناجى عبد المنعم	رباعيات	28
ناجى عبد المنعم	ترنيمة لأنواع الحب (ثلاثية مسرحية)	29
ناجى عبد المنعم	أبو جلمبو في كوكب المرىء	30
د. عبد الحليم هنداوى	حاملة الورد	31